

Fó tempu 15/20 minutu atu grupu ida-idak bele elabora ninia resposta.

Grup u ida-idak sei fahe sira-nia resposta, hafoin bele hili empeñu ida atu moris tempu paskuál tomak iha Jezús nia ksolok. Oratorianu ida-idak bele hili mós atu semana ida dala ida fó tempu atu “horik iha Na’i”, katak bele fó tempu ida tu tuur hakmatek, lee Evanjellu no reza.



Orasaun finál:

Bele taka enkontru hodi halo orasaun espontanea: ida-idak bele espresa ninia intensaun no hotu-hotu hatán: ***haksolok iha Na’i nafatin***

- Ez:
- * Bainhira ema gava ha’u...
 - * Bainhira ema la komprende ha’u....

Jo 15,1-11

Introdusaun ba ANIMADÓR sira

Tempu Paskua nian mak tempu ksolok nian, maibé ksolok ida ne’e mai husi ne’ebé? Ba enkontru ida ne’e, molok reflète ho oratorianu sira kona-ba Evanjellu João nian, bele prepara surat-tahan boot ida iha ne’ebé hakerek, iha klaran:

Ksolok

no oratorianu ida-idak bele ba hakerek iha sorin saida mak ksolok ba nia (katak, bainhira nia hetan ksolok).

Hafoin bele lee pasajen ne’ebé tuir mai:

Husi Evanjellu

¹“Ha’u mak uvas hun loloos, Ha’u Aman mak to’os na’in. ²Sanak hotu ne’e-bé la fó fuan, Nia hasai, no sanak ne’ebé fó fuan Nia hamoos didi’ak atu fó fuan liu tan. ³Imi mós ona tamba liafuan ne’ebé Ha’u hateten ona ba imi. ⁴Imi hela iha Ha’u, no Ha’u iha imi. Nu’udar uvas sanak, haketak husi hun, la bele fó fuan mesa-mesak, nune’e mós imi wainhira imi la hela iha Ha’u. ⁵Ha’u mak hun, imi sanak sira; ema ne’ebé hela iha Ha’u no Ha’u iha nia, ema ne’e mak fó fuan barak; basa ketak husi Ha’u, imi la bele halo buat ida. ⁶Ema la horik iha Ha’u karik, ema sei haketak nia hanesan ai⁷sanak hodi sai maran; ema futu hamutuk ai⁸sanak sira ne’e hodi soe ba ahi, no ahi sei han sira. ⁷Maibé imi hela iha Ha’u karik, no Ha’u nia liafuan hela iha imi, imi husu buat naran de’it no sei halo duni ba imi. ⁸Ha’u Aman hetan glória nune’e: katak imi fó fuan barak hodi hatudu katak imi Ha’u nia eskolante sira. ⁹Nu’udar Aman hadomi Ha’u, nune’e mós Ha’u hadomi imi; hela iha Ha’u nia domin ba. ¹⁰Imi halo tuir Ha’u nia ukunfuan sira karik, imi sei hela iha Ha’u nia domin; nu’udar Ha’u mós halo tuir Ha’u Aman nia ukunfuan sira no hela iha nia domin.” “Ha’u dehan sai lia hirak ne’e ba imi atu Ha’u nia ksolok hela iha imi no imi nia ksolok sai lo-los.



*Lee
tiha dala ida, husu
ba oratorianu atu
lee fali, maibé ida
hahú hodi lee fraze
dahuluk, hafoin
sira seluk tuir mai,
ema idalee de’it
frazee ida. Husik
momentu ruma
nonok, hafoin husu
ba sira atu lee
frazee ne’ebé sira
gosta liu.*

Fahe tiha fraze ida ne'e, hamutuk bele buka liafuan ida ne'ebé mosu beibeik iha pasajen ida ne'e (hela). Hetan tiha, bele hakerek fraze ida-idak iha ne'ebé mosu liafuan "hela" (se hakarak bele mós hakerek iha billette keta-ketak, hafoin tau iha didin atu sira hotu bele haree.

Agora hatán hamutuk:

❓ iha tempu Paskua nian ita rona Evanjellu nia pasajen ida ne'ebé uza liafuan ida ne'e (hela)?

❓ Tansa, iha Emaus, eskolante sira husu ba Jezús atu hela ho sira?

Rona tiha resposta sira ita koko atu reflète hamutuk:

REFLESAUN kona-ba « HELA »

Ho ilas kona-ba uvas no ai-sanak Jezús halo ita reflète kona-ba dinamizmu hahalok "hela": Jezús konvida eskolante sira atu « hela (ka horik) iha Nia » iha atividade laran, iha moris loron-loron nian. Katak Nia la kohi hadook ita husi situasaun loron-loron nian ka husi ema seluk, maibé Nia hakarak katak ita aprende atu moris iha Ninia prezensa iha buat hotu ne'ebé ita halo.

Hela/horik sai verbu ne'ebé dehan ita-nia kapasidade atu moris hamutuk ho Jezús, iha relasaun ho maluk sira no hala'o ita-nia misaun. Bainhira sei labarik ka foin-sa'e, susar utoan atu hetan ekilibriu entre hahalok sira ne'e : ita hakarak tulun mundu tomak, maibé bainhira ita hetan difikuldade ruma ita husik buat hotu tanba ita la tau ita-nia motivasaun iha Jezús.

Ema ne'ebé moris hamutuk ho dom Bosco haktuir katak bainhira nia hasoru problema boot sira, nia hatudu an hanesan ema ne'ebé haksolok



liu, tanba nia ida de'it ho Maromak, hanesan uvas ho ninia ai-sanak, nune'e nia fiar katak iha buat hotu Maromak sei la husik nia mesak.

Nia hanesan tasi ho laloran boot : laloran sira iha leten, maibé se ita tun ba tasi klanan, ita sei deskobre katak tasi mak hakmatek. Nune'e dom Bosco nia ksolok no ita-nia ksolok : la bele mai de'it husi buat ne'ebé superfisiál (ema ko'alia di'ak kona-ba ha'u, ha'u manan bonus ho TTL...) maibé ksolok presiza tau abut iha Maromak, iha Jezús nia domin.

Iha Ita ha'u hetan ksolok

Hamutuk ho oratorianu sira bele haree fila fali saida mak sira hakerek kona-ba ksolok no analiza pontu ida-idak hodi deskobre se motivasaun ida ne'e atu haksolok mak motivu ne'ebé mai husi Maromak ka lae.

Bele halo hamutuk ka fahe oratorianu ba grupu sira no grupu ida-idak koko atu analiza motivasaun sira ne'e. sira bele koko atu hatán:

- Bainhira ha'u haksolok, ha'u la haluha atu reza? Ka ha'u hanoin de'it ba Maromak bainhira ha'u iha susar laran no ha'u la hatene oinsá resolve problema sira ?
- Ita bele halo saida atu loron-loron ita hetan pelumenus motivu ida ksolok nian ?
- Bainhira ita haksolok, ita hatene fahe ksolok ida ne'e ho maluk sira ?